

SAAMAKOS TÄRKEÄLÄ TIOLA HÄIRITTEÄ VÄHÄSEN?

TÄRKEÄ TIETO YLEISÖLE VAARALISISTA TOIMINOISTA

Informasjuuni on sulle, joka asut eli olet töissä jonku laitoksen lähelä, jossa on vissiä riskiä sen ympäristöle. Ajataus on ette antaa sulle tietoja mitä onnettomuuksia, jotka saattavat tapahtua ja kuinka sie sillon piät toimia.

MIKÄS ON VAARALINEN TOIMINTA?

Net firmat jotka käsittlevät suuria määriä kemikaalia on tärkeitä yhteiskunnale, mutta kemikaalit merkittevät kans riskiä. Tällä hetkelä on olemassa lainsäädäntöä, jotka asettavat vaatimuksia, kuinka firmat, jotka käsittlevät suuria määriä kemikaalia, pitävät nouvattaa turvalisuustyötä, joka ehkäisee ja rajottaa vakavia kemikaalionnettomuuksitten seurauksia.

MIKÄS ON SEVESOLAKISÄÄDÄNTÖ?

EU on kehittäny ja hyväksyny Seveso-direktiivin, jolla ehkäisee ja rajottaa vakavia kemikaali-onnettomuuksitten seurauksia. Ruotti on ottanu direktiivin käythöön Seveso lainsäädänön kautta.

Seveso-lainsäädäntö kattaa lain (1999:381) ja asetuksen (2015:236) sekä määräykset (MSBFS 2015:8) toimenpiteistä, jotka ehkäisevät ja rajottavat vakavia kemikaalionnettomuuksitten seurauksia. Seveso-lainsäädänön osia on kans miljöölaissa (1998:808), laki onnettomuuksitten suojaksi (2003:778) ja suunnittelu- ja rakenuslaissa (2010:900).

MITÄS VAAITHAAN FIRMALTA JOTA SEVESOLAKISÄÄDÄNTÖ KOSKEE?

Riippuen määristä ja ja mitä kemikaalia käsitelthään firmat on jaettu korkeamphiin eli matalamphiin vaatimuksitten tashoin. Tämän mukhaan firmat on velvolisia totheuttamhaan ehkäiseviä toimenpiteitä ja olla yhteistyössä Pelastuspalvelun kans. Lääninhallitus valvoo firmoja sekä alemala ette korkeamala vaatimuksen tasoila.

MIKSIS SIE SAAT TÄMÄN INFORMASJUUNIN?

Pajalan kunnassa on kaksi firmaa, joita Seveso-lainsäädäntö koskee, Kaunis Iron ja Forcit. Net on Kaunisvaarassa ja Sahavaarassa, noin 30 kilometriä Pajalasta pohjoisheen.

Yhessä kunnan kans net pitävät levittää tietoja yleisöle firmoitten riskistä. Net tekevät tätä siksi ette antaa sulle ylheistä informasjuunia siittä, mitä onnettomuuksia saattaa tapahtua ja kuinka sie sillon piät toimia.

KONVENSUUNI RAJAYLIMENEVISTÄ TEOLISUUSVAHINKOITTEN VAIKUTUKSISTA

Kaunis Iron ja Forcit on yli 5 km Suomen rajalta. Ei ole yhtään vaaraa, ette vakava kemikaalionnettomuus, jossaki toiminassa, saattaa saa rajjaa ylittäviä seurauksia.

FORCIT SWEDEN AB FORCIT SWEDEN AB

Forcitin päätoiminta Kaunisvaarassa on AN-baseeratun emulsionin varastointi, raaka-ainheitten ja energeettisten tavaroiden varastointi. Toiminta on alhaisemala vaatimusten tasola, ja siksi Forcitila on turvalisuusjohtosysteemi ja firma on ottanu framile toimintaprukramin.

TURVALISUUS VARAUTUMINEN

Forcit toimii jatkuvasti turvalisuusuen ja sen varautumisen kans. Forcitila on toimintasysteemi terhveyvele, turvalisuusuele, miljööle ja kvaliteele, joka seuraa jällaavia lakia, määräyksiä ja asetuksia. Meän henkilökunta on tärkeä osa työssä ette ehkäistä vahinkoja. Kaikki työntekijät koulutethaan jatkuvasti ehkäisemhään ja tuntemhaan riskiä ja tilantheita jotka saattavat johtaa onnettomuukshiin. Ammattitaitoa parantavaa lisäkoulutusta piethään säännölisesti ette varmistaa ja säilyttää kaikitten työntekijöitten pätevyyttä ja kompetensia.

RISKITTEN KÄSITTELY

Vakavimat riskit on meän toiminassa tulipalo, ja sen takia laitoksesta on maholisiman paljon poistettu materiaalit, jotka saattavat pallaa. Laitos on varustettu palovalvontasysteemilä, joka on suorhaan yhteyvessä Pelastuspalvelun kans.

Jos tulipalo tapahtuu, missä tuotheet on mukana, se voipi johtaa ette NOx-kaasut leviävät. Leviämisalue tullee olheen rajotettu suuriin osaks toiminta-alueesheen, mutta jos on huonon suunan tuulet se saattaa vaikuttaa kans lähialueesheen.

INTERNI PELASTUSPLAANI

Forcitera ja Pelastuspalvelu on internit pelastusplaani, jossa kuvataan, kuinka henkilökunta pitää ehkäistä ja rajoittaa mahdollisia vahinkoja.

PELASTUSPALVELU OTTAA PÄÄTÖKSIÄ

Jos suuri onnettomuus tapahtuu ja riskeeraa vaikuttaa kolmantheen osapuolheen, silloin yleisö pitää oottaa tietoja pelastuspalvelulta. Pelastuspalvelu ottaa päätöksen, jos häätty varottaa, ja jos niin, se tehthään paikallisen raation sekä VMA:n kautta, tärkeänä ilmoituksena yleisöle. Lue lissää VMA:sta viimi sivula.

VALVONTA

Seveson lainsäädännön mukhaan valvontaa tekkee Norrbottenin Lääninhallitus ja Pajalan Pelastuspalvelu. Viimeks valvontaa tehthiin oli 2019-08-13. Aleman vaatimuksen tason valvontaa pitää tehthä joka kolmas vuosi.

Tietoja jälleavista valvonasta, ota yhteyttä Norrbottenin Lääninhallituksen kans telefoonila 010-22 55 000 eli norrbotten@lansstyrelsen.se. Se mennee kans ottaa yhteyttä alla olevila kontaktioila.

LISSÄÄ TIETOJA

Lisätietoja laitoksesta ja käsittelystä aiheesta tet saatta ottamalla yhteyttä Forciter Sweden AB telefoonin kautta numero 0587-10 999 eli e-posti forcit@forcit.se.

FAKTA

Meilä on lupa käsittelä vaaralisia aiheita

OKSITEERAVIA AINHEITA

Vaaraliset ominaisuudet: Oksiteeravia, luovat No_x-kaasuja tulipalossa

AN-BASEERATUT PUOLIVALMHIIT, RAAKA-AINHEET

Vaaraliset ominaisuudet: Oksiteeravia, luovat No_x-kaasuja tulipalossa



KAUNIS IRON AB

Kaunis Ironin maanpäälisessä kruuvassa rautamalmia louhithaan pallilouhinan tekniikala. Malmi porathan ja räjäytethään. Malmi lastathan trykhiin, ja ajethaan kroshiin ja rikastumisheen (anrikning). Kuljetus asiakhaale toimii lastibiililä rautatien lastausasemale ja sieltä rautatielä Narvikin haminhaan. Kruuvassa räjäytethään päivän aikana. Toiminta on korkeamala vaatimuksen tasola, ja siksi Kaunis Ironila on turvalisuusjohtosysteemi ja firma on ottanu esile turvalisuusraportin, yhen toimintaprukrammin ja interni pelastusinsatsiplaanin.

TURVALISUUS ENSIKS

Turvalisuus tullee aina ensiks. **Kaunis Ironila** on rytiinit ja ohjeet turvalisheen työhön, jossa ehkäisthään onnettomuuksia ja suojathan yleisöä, jos onnettomuus sattuu.

Kaunis Ironila on aina käynissä työ ette parantaa ohjeita ja rytiiniä. Kaikki työntekijät saavat toistuvaa koulutusta ja tietoa. Meän henkilökunta on tärkeä osa meän työssä ette ehkäistä vahinkoja.

TOIMINAN RISKIÄ

Jos sattuu vakava kemikaalionnettomuus niin se koskee ensikäessä onnettomuuspaikkaa kruuvassa.

Kaunis Iron on analyseeranu riskit ja päättäny, ette suuriin vakavan kemikaalionnettomuuen riski on tulipalo, missä suuria määriä räjähteitä käsitelthään.

Tämä voipi saa seurauksen ette räjähtysainheet räjähtävät. Prusjektiilia, jotka on rakenuksitten eli laitteitten osia, saattavat viskautua satoja metriä. Toelisuessa ette tämä tapahtuis on hyvin pieni. Suojadistansit on pitkiä, ja siis riski on suuriin Kaunis Ironin omala alueela.

Kruuvan diiselin uloslaskuja ei vaikuta merkittävästi ympäristhөөн. Se voipi vaikuttaa paikalisesti Kaunis Ironin alueela, jos se joutuu kryysimaale eli vesitiikhiin. Kaunis Ironin henkilökunnala on saneerinkineuvot helposti käytettävänä, kun diiseliä käsitelthään ette saa aikhaan käteväns insatsin.

Tulipalo rikastusverkissä (anrikningsverk) saattaa lua voimakasta savvua. Tällaisen tulipalon savvu on myrkylinen ja voipi huonoissa oloissa vaikuttaa lähialueen ihmishiin.

INTERNI PELASTUSPLAANI

Kaunis Ironila ja Pelastuspalvelula on interni pelastusplaani, jossa kuvataan, kuinka henkilökunta pitää ehkäistä ja rajoittaa mahdollisia vahinkoja.

PELASTUSPALVELU OTTAA PÄÄTÖKSIÄ

Jos suuri onnettomuus tapahtuu ja riskeeraa vaikuttaa kolmantheen osapuolheen, yleisö pitää oottaa tietoja pelastuspalvelulta. Pelastuspalvelu ottaa päätöksen, jos häätty varottaa, ja jos niin, se tehthään paikallisen raation sekä VMA:n kautta, tärkeänä ilmoituksena yleisöle. Lue lissää tästä viimi sivula.

VALVONTA

Seveson lainsäädänön mukhaan valvontaa tekkee Norrbottenin Lääninhallitus ja Pajalan Pelastuspalvelu. Viimeks valvonta tehthiin oli 2021-06-17. Korkeaman vaatimuksen tason valvontaa pitää tehä joka vuosi.

Tietoja jälleavista valvonasta, ota yhteyttä Norrbottenin Lääninhallituksen kans telefoonila 010-22 55 000 eli norrbotten@lansstyrelsen.se. Se mennee kans ottaa yhteyttä alla olevila kontaktitioila.

LISSÄÄ TIETOJA

Lissää tietoja laitoksesta ja käsiteltystä aiheesta voitta saa ottamalla yhteyttä Kaunis Iron AB telefooni numerhoon 0978-27 27 27 eli e-posti info@kaunisiron.se.
Atressi: Bert-Ove Johanssons väg 8, Pajala

FAKTA

Meilä on lupa käsitellä vaaralisiä aiheita

RÄJÄHTYSAINHEITA

Vaaraliset ominaisuuet: Räjähäviä. Jokkut saattavat kans olla oksideeravia, ja myrkylisiä ihmisile ja/eli veessä elävile organismile.

DIISELI

Vaaraliset ominaisuuet: Myrkylisiä veessä elävile organismile.

PELASTUSPALVELU ON HYVIN VARAUTUNU

Pajalan Pelastuspalvelu on hyvin valmistautunu, jos onnettomuus sattuis. Jos alueela sattuis onnettomuus Pajalan paloaseman henkilökunta alkavat ensi insatsin noin 30 minuutin aikana.

PELASTAA ELÄMIÄ

Pelastuspalvelun päätehtävä on ette pelastaa ihmishenkiä ja kiinnittää riskialueen. Sen jälkhiin palokunta korjaa vahinkot, esimerkiks sammuttamala tulipaloja, topata tulipalon leviämisen ympäristhöhn, topata ja sulkea mahdollisia uloslaskuja ja kaasuvuotoja. Pelastuspalvelun tehtävä on kans ette ilmottaa yleisöle, jos onnettomuus on vakava. Tämä toimii VMA:n kautta: Tärkeä ilmoitus yleisöle. Kun kuulee signaalin (lue lissää tästä viimi sivulta), pittää mennä sisäle, panna kiini ovet ja klasit ja kuunella raatio P4: ää.

EHKÄISEVÄSSÄ TYÖSSÄ

Pelastuspalvelu toimii kans ehkäisevästi yhdessä firmoitten kans, muun muassa säännölisilä tulipalosuojan tarkastuksila. Ensi palokunnala on insatsiplaani mukana tulipalobiilissä, joka säännölisesti uuvistethaan. Palokunta on träänattu ja harjotettu sellaisissa onnettomuuksissa, jotka saattavat tapahtua alueela. Pelastuspalvelu on erittäin hyvin valmistautunu, jos onnettomuus sattuisi.

VMA, TÄRKEÄ ILMOTUS YLEISÖLE

VMA, Tärkeä Ilmotus Yleisöle, on varotussysteemi, jota käytetään suurissa onnettomuuksissa ja muissa vakavissa taphauksissa sekä jos tärkeät yhteiskunnan toiminat on häiritetyt. Varotussysteemi sisältää tietoja raatiassa ja teeveessä sekä jossaki taphauksissa ulkona olevassa varotussysteemi "Hesa Fredrik", joka on äänisändari.

Ulkona oleva varotussysteemi "Hesa Fredrik" (äänisändari) on Pajalassa, mutta puuttuu Kaunisvaarassa ja Sahavaarassa. Jos tarttee ulkovarotus annethaan pelastusbiilin höögtaalarista.

VMA lähätethään aina raatiassa ja teeveessä, mutta jossaki taphauksissa varotusta lisäthään käyttämälä äänisändaria ulkona. Ulkosignaalia seuraa aina raation ja teeveen informasjuunia. Kun VMA on lähätetty, yleisö voipi hakea lissää tietoja esimerkiksi verkkisivulta Krisinfo.se, soittaa informasjuuni numerhoon 113 13 eli mennä kunnan verkkisivule.

MISTÄ TILANTHEISTA SAATTAÄ OLLA KYSE?

Jos onnettomuus tapahtuis jossaki eelä mainituissa paikoissa, VMA:ta saatethaan käyttää varoittamhaan yleisöä, joka on onnettomuuvn läheisyssä. Se saattaa esimerkiksi olla tulipalosavvu, ja ilmoitus voipi sillon kehottaa sinua menemhään sisäle ja panna kiini klasit, ovet ja ventilasjuunin.

Raatiosta sitä saattaa saa lissää tietoja.

KUINKAS SIGNAALI ÄÄNTÄÄ ULKONA?

Tärkeä Ilmotus-signaali on 7 sekuntia pitkä ääni-isku, joitten välissä on 14 sekuntia paysi. Tämä toistethaan vähhiinthään 2 minuuttia. Kun vaara on ohi, kuuluu 30 sekuntia yhtenä äänenä pitkä signaali.



Kun vaara on ohi, kuuluu 30 sekuntia yhtenä äänenä pitkä signaali.

MITÄS SIE PIÄT TEHHÄ JOS SIGNAALI KUULUU?

- Pysy sisälä eli mene sisäle, jos sie olet ulkona.
- Pane kiini ovet ja klasit, venttiilit ja fläktit.
- Pane päälle Sveriges Radio P4 100,2 MHz eli tekstiteevee ja oota tietoja sieltä, mitä on tapahtunu ja mitä sie piät itte tehä ette saa suojaa.
- Älä mene ulos, ennen kun sie kuulet signaalin Vaara on menny yli.

SIGNAALI TESTATHAAN JOKA KVARTAALI

Signaalia testathan kello 15.00 ensi pyhätön/arkipäivän maanantai maalisk-, kesä-, syys- ja joulukuussa. Sillon sie ei tartte tehä mithään, paitti panna muistiin, kuinka se ääntää, jos sattuis tulemhaan tosi tilane jälemin.

MISSÄS SIGNAALI KUULUU?

Signaalin käyttöä on rajotettu just siihen alueeseen, missä yleisö arvelthaan olla vaarassa.

LISSÄÄ TIETOJA

Pelastuspalvelu/
Räddningstjänsten Pajala
Telefooni 0978 - 120 00
E-posti
kommun@pajala.se
www.pajala.se

KONTAKTITIETOJA VALVONTAVIRANOMHAISELE

Lääninhallitus/Länsstyrelsen
Norrbotten
Telefooni 010 - 22 55 000
E-posti norrbotten@lansstyrelsen.se
www.lansstyrelsen.se/norrbotten